

拳勺園小刻卷之二

吳興李樂彥和甫著

送張叅知鳳梧北上

輜軒是處有陽春
衰老偏承道誼親
萬里漸看旌旆遠
一琴爭道橐裝貧
湖山秋色虛官舍
朝野芳名重縉紳
故國久知頻入夢
中原猶望拯斯民

答沈憲副觀瀛

自咲江頭解組身
蕭疎宛似避秦人
從他白眼頻相視
忽漫君侯獨見親

訓裴亞卿澹泉見寄

才微不敢累明時愧我曾同獻納司一別十年
頭白盡感君今日尚相思

謝吳子携酒西湖

連宵湖上宿不畏露寒侵
咲我看花老憐君載酒尋
席間烟水綠舟畔柳隄陰
良會由來少酣歌忘夜深

戲題小園盆池

古寺小橋通溪邊
惟石叢許多堪釣處
只少一漁翁

漫題

雨中桃李野人家
沽酒無錢不強賒
怪有橫金偏俗慮
竟無佳興對林花

同呂郡丞汎西湖

六橋踈柳正高秋
湖上風烟最勝游
醉酒不妨連旦暮
栽詩尤喜見賡酬
斜陽近郭紅將歛
古木層巒翠欲浮
見說關山戎馬急
不禁淚灑木蘭舟

早春作

獻歲梅花放平郊
春可憐谷風搖綠草
江柳翳

蒼烟屏跡希三徑勞歌忽幾年茅檐苔色滿鳥
雀自翩翩

對雪

曉起茆檐下蒼茫雨雪飛光搖山水宅寒入薜
蘿衣嗷嗷饑鳥去寥寥病鶴依江南梅已白驛
使到來稀

送胡德勤次韻

山家空廓白雲留盡日談茶破積愁忽喜故人
能枉駕那堪今日又登舟春秋已去嗟雙鬢書
劍塵生學四休此去桐溪渾不遠暮年頻可過

林丘

題家弟光甫丘降村別業

吾弟中年後蕭然水石居課桑因聽鳥玩水且
觀魚客繫春風棹兒看夜月書此中殊可樂已
見俗塵除

得補官廣西報

沉滯十年久丘園聊自安一朝除目下萬感
主恩寬頭白慚時邁心丹抗歲寒躊躇非內顧
終怯畏途難

贈潘翁

十年高枕卧丘園。盡日高門遠市喧。聞道潘安
能愛客。也應拚醉倒芳樽。

過卓光祿園中

為發武林棹。回看光祿園。止水一池足。清香衆
卉存。藤蘿纏怪石。桐檜護閒門。莫訝狂歌客。留
連日欲昏。

送表明府養冲北上

賞得烏程酒。慚無海陸羞。舉杯蒼弁麓。鼓棹白
蘋洲。予抱憂時慮。君諳濟世籌。願言趨鳳闕。
努力展嘉猷。

贈顏子發

數椽小構羨君廬。宛似當年陋巷居。月到閒窓
風入座。濁醪飲盡復攤書。

送王山人承甫北行時赴顧司馬之招

佩劍君何去。招賢有故人。途將萬里遠。諾重百
年親。酒為觀濤醉。詩從適意新。年光殊易邁。慎
勿老風塵。

送大司空曾公見臺還江右公時

欽賜馳驛

識荆曾記自金川。高論初聞下邑筵。別去十年

容頃改相逢一旦意依然
兩朝元老勳名重
萬里郵程

帝命傳只恐中朝懷碩德
明時不久遂車懸

贈擇上人

溪上舊名利幾年困市塵
君今頃超世詩就每
驚人貌古心應古
身貧道不貧
遠公時復見衰
朽願相親

哭施文學子隆

子隆門下士授易已多年
志負凌雲質貧無將
母田文章當世棄親友
一朝相淚灑不能罷餘

生重可憐

戲題顏子發梅月紙帳

誰云紙帳不繁華
月白梅清自一家
睡起莞然
長自得荷鋤窓外復栽花

懷陳少尹 桐邑人號隣川

昔年借計上春官
馬首風塵值歲寒
乍見陳遵
如舊識頃於燕市足交懽
燈前細雨談方劇
坐上清樽興不闌
眼底風流成往事
凭欄幾度動
悲酸

送沈大理純父年文奉 旨北上

漸余六十尚無聞學術風流獨羨君千古綱常
憑疏草一時軒冕等浮雲陶情每托幽人蹟鍊
性應同上聖群規警年來頻受益那堪 温詔
趣星分

又

累疏辭

明主温綸趣蓋臣星軺天闕迫雲旆寵光新驛
路江花媚離筵杯酒頻相親余獨久知不混風
塵

鶯脰湖遲沈大理不至

早發青溪下爛溪鶯湖一片夕陽西相期無柰
空相待望斷汀洲路恐迷

園居即事呈胡德勤

習懶詩全廢耽幽事半休小園風動竹曲沼雨
驚鷗樹密堪避暑荷香恰散愁先生素知己怨
我不梳頭

哭范司成伯楨

吾生衰未甚知己忽凋零家難豈無自塊歸猶
未寧訃聞初罷食哭後漸灰形膝下諸孤在憑
誰着眼青

送唐美承會試

拂衣此日長安去。萬里風烟入望餘。一劍有光衝斗畔。片帆回首又天涯。雪消驛路初開霽。春動江梅已着花。早識少年應脫穎。好當聖世展才華。

六十初度作

荏苒流光物態遷。自憐六十正今年。名叨仕籍寡識字。身謝朝簪欲藝田。月出東山碁未了。風來北牖晝長眠。時人錯許真君子。自顧衰庸合避賢。

早春同胡德勤酌家弟小隱居

燈夕餘輝在柴門。有客過一橋。烟水僻三徑。竹松多。蝦菜供清叙。詩篇起醉歌。吾儕過六秩。應共惜春和。

春寒

春雷日日陰寒氣。尚相侵。晝坐時呼酒。夜眠重擁衾。雨深鶯不語。林暗客難尋。寂寞齋中事。牀頭撫素琴。

送呂郡丞雲臺

官舍一峰近。民居二水瀦。刑清簿書簡。市僻餽

遺踈抗志違時好。垂簾度歲餘。可憐失意別來。雁莫教虛。

憶梅趙君自閩中還賦贈

問子歸何自。言從閩嶠來。頻驚龍眼熟。幾見荔園開。曲水武夷路。清風巖子臺。登臨雖愜意。無乃老塵埃。

園居二首

小小池塘水不乾。微波風動擬長川。餐英荷館。渾無暑。自謂間居別有天。

髮洞無泉石乳懸。蒼松一徑護長烟。間吟亭上。

長吟罷。誰道余今似樂天。

贈陽谷上人六袞初度

仲冬風物美。六袞爾今過。曙旭扶桑麗。晴雲法界多。雅懷輕世味。幽興滿烟蘿。漸復時長至。東林足寤歌。

賦贈禹門沈丈初度

蚤年抽筆擅時名。晚向江臯理釣耕。標格可方徐孺子。公家孺子山下風流不減晉嵇生。一經有子循芳躅。百斗從賓解宿醒。今日見君多樂事。門前茗水映長庚。

示顏子發

秋風忽枉胡生駕。具道詩才獨羨君。興落樗蒲
甘市井。何如蝦菜醉斜曛。

園中即事

雨晴新綠滿芳枝。不盡紅英曉露滋。洗耳不聞
朝市事。閒情獨與小園宜。

感時二首

天朝仁義百夷降。何必陳師鴨綠江。借問爭先
渡江者。幾人還日手持幢。

來朝醜虜小西飛。總是尋常慕義歸。既有儀臺

明典禮。滿朝何必易朱衣。

避暑壽聖塔院偶成

天台僧院不栽花。翠竹青蒲意自嘉。淨榻高眠
涼吹滿。直令野叟可忘家。

早春張大參鳳梧自禾城還湖道經烏戍

追送舟中賦別

雪裏寒梅尚未開。東風忽送使君來。園蔬味薄
慚為主。野老情高強進杯。時事漸看朝暮改。王
程莫向里閭回。弁雲極目添惆悵。臨別令人易
動哀。

訪沈純父年丈不遇

秋日暑方減。挈舟訪故人。官階大夫上。生事腐
儒貧。愛菊陶潛趣。工詩謝眺倫。相求不相見。黯
黯自傷神。

除夕

村村伐鼓更吹簫。盡道明朝是歲朝。白髮不勝
駒隙感。也應隨隊學逍遙。

送陸明府培吾入覲

馬向長淮雪正深。使君袍色苦寒侵。蚤知才調
懸時望。終見循良允衆心。萬里壯行看一劍。千

山遠度有孤琴。朝家此日精甄別。錫宴名應

首官林。

送韓邑博權建寧教授

雲間韓子入中鳳。雪霽開帆水上仙。茹菜不嫌
官俸薄。卻金誰似廣文賢。春風別後千山遠。閩
嶠名先八斗傳。門下只今多俊傑。竚看簪笏九
重前。

題宥上人樓居

少年曾向上方遊。投老交深慧遠傳。忍草自來
依丈室。慈雲今已護層樓。清晨捲幔看雲去。靜

晝焚香對水流。名利舊聞賓。侶衆幾人得意見。
清秋

次韻訓夏郡丞筠泉

抱甕為園跡頗幽。敢云市井有丹丘。自甘衰老
同林叟。詎意登臨枉郡侯。荷畔開襟風拂坐。竹
間對酒月當頭。相逢未見如泥醉。還擬涼秋作
勝遊。

秋日入茗城道中即事

久矣園居寂。翩然喜汎舟。期入明月夜。戀客白
雲秋。霜落蘆花岫。鳧飛蓉葉洲。舉杯對山色。觸

處即相換

唐進士昆季過舍小酌言時事有感

十月似春和。同舟二妙過。別來風物異。老去感
傷多。東事宜銷甲。南人總學魔。今宵強沉醉。明
月在長河。

閒居二首

貧無檀可藝。酒有信能賒。綠傍含風竹。紅看帶
露花。山童供采蕨。婢子解烹茶。車馬誰相問。顏
頰閱歲華。

花落春纔去。風清夏始來。溪聲長不斷。苔色淨

無埃鄰老同棋局。家僮進酒杯。避人成懶性。白日只登臺。

贈嚴大夫西茗七袞初度二首

蒼弁明霞照遠川。羨君方值古希年。人間何必
丹砂妙。膝下還忻綵服妍。叢竹青青饒暮景。長
松落落勁寒天。林丘偃仰無餘事。盡日支筇伴
石泉。

夢裏天涯舊宦游。一經今復紹箕裘。青雲先我
燕都下。白髮同君雪水頭。九野靈開陽脉動。幾
枝梅放暗香浮。南山接望多佳氣。對酒從教興

自由

真隱樓成漫興

百尺樓何在。吾今小隱成。窓虛四望豁。春麗萬
花明。密竹人稀到。空山鳥應聲。誰能會深意。豈
是只逃名。

東臯澤

荷花池上東臯園。五百餘年非舊垣。我今亭榭
雖不富。松竹深沉無市喧。

題沈禹門一泓館二首

家在孺山下。精廬一水偏。清冷常映月。迂僻罕

乘船架上書千卷。簷前樹百年。幽人此間坐。何用學逃禪。

茗雪水源通青山。滿望中雲深。謝村北松老。孺陽東客至。頻呼酒。雨餘時玩。褻看君讀書處。不異水晶宮。

又絕句

一泓高館孺山東。嘉木清泉趣不窮。余欲從君覽幽勝。剛逢下榻白雲中。

喜胡德勤至二首

緘書頻及寄見面。久無因昔別池荷。滿今來霜

葉新。侍兒看客喜。話舊見情真。斗酒勿辭醉。寒燈正可親。

殘夏嗟分袂。初冬喜盍簪。清霜居士節。白雪故人吟。片月閒庭淨。一樽良夜深。兵戈雖滿眼。吾道有知音。

平望道中

時以董甥事謁令君

嚴冬行水國。入邑寸心違。倚榻愁湖冷。停杯羨鳥歸。雲邊殘日下。雪後片帆飛。老我誰為惜。趨程事總非。

東唐明府振山

久期膺仕惠雙魚豈謂辭官返故廬白髮無心
添酒伴蒼生有淚泣行車高懷每戀西湖樂晚
節終休北闕書晴日小園春亦好采芹相對
莫教虛

送謝桐鄉入覲

桐水寒風起行旌拂紫氛雙鳧翻鳥影百里應
星文祖帳含晨靄郵亭啓夕曛錦帆楊子渡彩
鷁濁河濱卓異頒珍席熙怡近聖君遙瞻薊
門路佳氣正氤氳

贈愛山馬丈

曾看明月共登樓爾我今朝兩鬢秋莫以衰年
稀見面床前猶有一樽留

寄呂郡丞雲臺二首

萬里緘書問呂虔吳山粵水兩茫然雙溪惠政
今猶在十載寒暄誰與傳白首豈能供世事青
山應不拒高賢想君顏色無由見留得瑤篇近
眼前

曾作西湖十日遊晝同登覽夜聯舟不因軒冕
相拘束自縱清狂寡怨尤老去丹心誰屈指別
來白髮儘盈頭海濱見說堪遺世漫道驅車可

自由

砥柱危洲即水墩

樓臺拱日雙溪上楊柳含風一望中不是使君
耽覽勝誰將萋菲溷豐功

長林石徑密印寺內

散躅探幽幾度來徑開如矢淨無埃年年溪上
春歸後千樹濃陰覆綠苔

通泉古麓壽聖塔院

清泉東南來黯黯流不斷愛爾十丈深何愁七
年旱歲久銀林平夜靜涼月滿煮茗旋汲來以

三賢館

萬竹秋聲竹素園

一徑清且幽萬竿淨如洗中有靜者居虛牖日
常啓地僻何所聞涼颼滿檻底余欲從此游聊
做七賢體

壽頤侍御警書

畿輔英聲藉藉傳庶僚總式使君賢歸田猶繫
中朝望築室相依雪水偏繚繞芳園花下爽清
和令序雨中遙漸余無語為公壽只羨佳兒侍
膝前

送湯叅知擢本省大觀察之温處道公會
備兵嘉禾

鴛央湖畔舊觀兵復見棠陰霽上榮直謂東南
深國計漫勞藩臬久 王程環轅騰有鮫人泣
擁傳方來津吏迎欲向峴山暫留別括蒼日暮
海雲生

送郭清宇少叅

妙選曾披中秘書抗章不負掖垣居暫來薇省
山光近大得茗民海潤餘澤國風雲多變幻宦
途甘苦總蘧廬 皇情定不忘賢諍綵鷓春帆

任所如

送錢承江侍御北上

驄馬威名百辟先秦關畿甸德音宣不將依附
驕天末但採廉平獻 御前海宇高推焚草節
士林爭羨郤金賢 聖朝虛席需良佐願向秋
風早着鞭

湖郡伯及泉李公生祠贊五言律一首

猗歟江右山川萃靈篤生李公直震

朝廷出守湖郡保障藩屏不茹不吐臨深履水
吏胥懾服士庶救寧蘇王並駕

蘇公軼
王公十朋

劉萬齊

名劉公天和民懷爾德肖貌嘗蒸貌所不盡竭
忠布誠能師其意官之典型

宦蹟菰蘆處恩波露冕時黎元瞻肖像綠酒拜
生祠滿目甘棠蔭千秋墮淚碑余來當日暮池
上薦江籬

壽唐毋施孺人

別駕勛名塞外傳蘋蘩賴爾閭中賢詎知雲檢
崦嵫早自保霜清晚節全青鳥信來滄海外黃
花瑞應曲欄前小春正值風烟好令子宵深侍

壽筵

壽茅觀察鹿門翁九秩三十二韻

箕尾鍾良弼嵩神毓大賢丰標凌玠岳翰藻軼
雲淵逸足皇輿駕英姿天路騫南徐欣剖竹北
固喜聞絃 召對 君恩淑次且世運遭搏風
須善息歷塊自無前鳴劔將空北橫戈擬勒燕
仍餘表餌在其柰謗書傳解組朝紳惜投箸物
望偏韜鈴分妙畧桑梓獲周旋武庫胸中具文
瀾腕下連竒探窮汲塚雅尚託芸編訂史三長
擅工書八法便居高心愈下德邵氣彌平好客
通縞紵憐才廣埴埏蹇余同小友愛我許忘年

夜月談經席春風載酒船向來矜薦附此日慶
孤懸耄耋稀肩比期頤在目前熙朝君子獨南
極壽星聯齒並申生秩詩稱衛武篇佳辰當麗
景靈曜政青躔練水迎飛蓋華林殿玳筵簡文有華林園
鶯調歌管襍柳惹舞衣翩御史緋為綵才人錦
作笈寰中勝事并海內盛名專嘉樂元多福優
游不羨仙竇公今再見絳老豈非然文獻清時
重儀型數世延吾廬幸接武倒屣每談玄臭味
承相締盤飡夙有緣岡陵斬矢祝媿乏筆如椽
憶施南石白洲二丈

少從南石締交游兄弟相歡有白洲把酒燈前
清興發論詩月下素心侔蕭條山館人何在慷
慨襟期世莫述幾度看花思二妙滿天風景倍
生愁

送馮原泉方伯北上

豫章岳伯重當年讀禮端居孝莫先已厭風塵
甘藿食每於林墅喜蟬聯江湖柰可催行色
朝野于今仰大賢同榜弟兄偏我老忍教別酒
不留連

送羅少府仰齋還貴陽

自由

砥柱危洲即水墩

樓臺拱日雙溪上楊柳含風一望中不是使君
耽覽勝誰將萋菲溷豐功

長林石徑密印寺內

散躅探幽幾度來徑開如矢淨無埃年年溪上
春歸後千樹濃陰覆綠苔

通泉古甃壽聖塔院

清泉東南來黯黯流不斷愛爾十丈深何愁七
年旱歲久銀林平夜靜涼月滿煮茗旋汲來以

三賢館

萬竹秋聲竹素園

一徑清且幽萬竿淨如洗中有靜者居虛牖日
常啓地僻何所聞涼飈滿檻底余欲從此游聊
倣七賢體

壽顧侍御警書

畿輔英聲藉藉傳庶僚總式使君賢歸田猶繫
中朝望築室相依雪水偏繚繞芳園花下奕清
和令序雨中遙慚余無語為公壽只羨佳兒侍
膝前

送湯叅知擢本省大觀察之温處道公會
備兵嘉禾

鴛央湖畔舊觀兵復見棠陰霽上榮直謂東南
深國計漫勞藩臬久 王程環轅賸有鮫人泣
擁傳方來津吏迎欲向峴山暫留別括蒼日暮
海雲生

送郭清宇少叅

妙選曾披中秘書抗章不負掖垣居暫來薇省
山光近大得茗民海潤餘澤國風雲多變幻宦
途甘苦總蘧廬 皇情定不忘賢諍綵鷁春帆

任所如

送錢承江侍御北上

驄馬威名百辟先秦關畿甸德音宣不將依附
驕天末但採蘼平獻 御前海宇高推焚草節
士林爭羨卻金賢 聖朝虛席需良佐願向秋
風早著鞭

湖郡伯及泉李公生祠贊五言律一首

倚歟江右山川萃靈篤生李公直震

朝廷出守湖郡保障藩屏不茹不吐臨深履冰
吏胥懾服士庶救寧蘇王並駕蘇公軾王公十朋劉萬齊

名劉公天和民懷爾德肖貌嘗蒸貌所不盡竭
忠布誠能師其意官之典型

宦蹟菰蘆處恩波露冕時黎元瞻肖像綠酒拜
生祠滿目甘棠蔭千秋墮淚碑余來當日暮池
上薦江籬

壽唐毋施孺人

別駕勛名塞外傳蘋蘩賴爾閭中賢詎知雲檢
嶮嵒早自保霜清晚節全青鳥信來滄海外黃
花瑞應曲欄前小春正值風烟好令子宵深侍

壽筵

壽茅觀察鹿門翁九秩三十二韻

箕尾鍾良弼嵩神毓大賢丰標凌玠岳翰藻軼
雲淵逸足皇輿駕英姿天路騫南徐欣剖竹北
固喜聞絃 召對 君恩溷次且世運遭搏風
須善息歷塊自無前鳴劔將空北橫戈擬勒燕
仍餘表餌在其柰謗書傳解組朝紳惜投簪物
望偏韜鈐分妙畧桑梓獲周旋武庫胸中具文
瀾腕下連竒探窮汲塚雅尚託芸編訂史三長
擅工書八法便居高心愈下德邵氣彌平好客
通縞紵憐才廣埴埏蹇余同小友愛我許忘年

夜月談經席春風載酒船向來矜蔦附此日慶
孤懸耄耄稀肩比期頤在目前熙朝君子獨南
極壽星聯齒並申生秩詩稱衛武篇佳辰當麗
景靈曜政青躔練水迎飛蓋華林殿玳筵簡文有華林園
鶯調歌管襍柳惹舞衣翩御史緋為綵才人錦
作笈寰中勝事并海內盛名專嘉樂元多福優
游不羨仙竇公今再見絳老豈非然文獻清時
重儀型數世延吾廬幸接武倒屣每談玄臭味
承相締盤飡夙有緣岡陵斬矢祝媿乏筆如椽
憶施南石白洲二丈

少從南石締交游兄弟相歡有白洲把酒燈前
清興發論詩月下素心侔蕭條山館人何在慷
慨襟期世莫述幾度看花思二妙滿天風景倍
生愁

送馮原泉方伯北上

豫章岳伯重當年讀禮端居孝莫先已厭風塵
甘藿食每於林墅喜蟬聯江湖柰可催行色
朝野于今仰大賢同榜弟兄偏我老忍教別酒
不留連

送羅少府仰齋還貴陽

盛名隨處挹文翁此去何堪賦別鴻本謂循良心可白寧知直道世難容六年宦蹟千秋在萬里行囊一劔空借寇有懷無路挽春風徒爾悵茗東

寄吳平山憲副

蒙謗陳平寃甚竒丈夫心事寡相知車懸蠡澤三吳重功在維揚萬古祠李子不羈慚昂足公嘗

言李臨川孫質庵與吾三人罷官家居可當昂足吳公大雅稱龐眉間

園十畝堪登眺未遂清遊日繫思

題謝方伯蓼蕭燕喜圖

公名鵬舉任浙江左轄以卓異受宴賞湖廣人

明公聲望自華年奏績虞庭帝簡先總是吳鄉能洽化却看楚水自多賢綺擊中使恩光重宴錫金門聖意專盛典從來端有為願將皇澤廣承宣

沈中丞觀頤壽母太夫人八十賦贈

丹山碧水丈人居座上唯親萬卷書梓里彥方頭未白萱庭孟母慶常餘先朝紫誥君恩重此日瓊筵樂事初寂寞野夫何所贈溪頭帶雨剪園蔬

壽錢南離先生八十先生任兵部武選郎

百年世講共誰論蒼弁西來有至人
手植桑麻將避俗性耽著述竟忘貧
春風醉客元非酒司馬傳家不事緡
末學自慚塵白社高山能仰不能臻

端陽喜雨即事

五絲佳節至千嶂隱雷生雨足晴畦潤
時來野老耕梅黃烟霧景酒暢主賓情
開戶長吟望占年定有成

題王山人耕漁別墅

秋澤深村小結廬閑雲入戶伴迂踈
三時耕畝

聊供食終歲臨淵不羨魚洞庭曉散千林媚
別墅春酣萬卷書羨爾飄然塵世外難云混跡野
人居

送莊達川貢士入京

莊周儒術世相傳州郡雲承不乏賢
媿我白頭無建樹喜君玄鬢早騰騫
春風桐水行標壯夜月柴門別思牽
京洛故人如有問莫言衰朽強詩篇

寄唐振山明府

別去星霜久衰夫夢寐思花間頻對酒
湖上漫題詩壯心應似昔良會慨難期
願爾持三事功

名及此時

代妓戲呈貴人

裁就輕紗宮樣粧。可憐不侍貴人傍。聞卿慕妾
經三月。想見風流百態狂。

壽渚泉包文七十

九月九日重陽天。橘綠橙黃媚壽筵。衣冠奕世
郡中望兒孫。舞衣地上僊主人。投轄愛留客老
夫。索枕貪高眠。夢回渴想桑。晷藕明日携壺還
汎船。

壽沈禹門六十

高士舊名山。幽人此掩關。扶筇神自玉。拄笏意
常閒。花映烏程酒。禽窺白社顏。還知膝下舞宮
錦。勝斑斕。

賀陸培吾父母考績

家世言游共一方。絃歌再振鳳梧鄉。慈祥廣沛
三春雨。嚴肅時飛九月霜。老稚共瞻明父母。風
標還並漢循良。政成臺史聞。當宁。佇看徵書
出未央。

邑庠左舊有聚奎樓。傾頽久矣學博韓奕
山先生捐柴馬金首倡樓重新。馬喜而賦

此

彞倫堂外聚奎樓
慘見傾頹水自流
一旦落成新氣象
千年昌運集公侯
高飛鶴鶴忻巢止
講藝生徒遂息遊
浪說儒官苦清澹
壯君敞帚視新駟

九日沈繼山丈半郭樓成

攜李高城隱大賢
劬未遂老詩篇
草堂吾美

青山外半郭初成碧水前
吾美草堂在綠蘿莊
俯檻秋深

花氣入簪萸節
屈賞心偏風流
佳客頻相過寧

問居貧乏酒錢

送范東生徙居吳門

淵源世德里人思
君去菁陽似可疑
寓目儘饒山水勝
驚心無柰物情奇
舟聲欸乃春風動
詩句清新士譽隨
此別一言報知己
間居最是擇交時

壽唐母慎太孺人

賢母丸熊名蚤聞
課成諸子邁人群
巨鰲已奮桃花浪
二妙行攀桂樹芬
酒馱麻姑添淑氣
詩歌陟屺動祥雲
榮褒指日龍章下
白首承歡樂事紛

送唐美承進士奉差事竣還朝候選
車馬無人顧草萊百年高誼問寒灰纔看使節
乘風至柰可嚴程指日催濶達襟期包宇宙調
和勛業仗鹽梅採時亟望神明宰何地遭逢出
世才

送夏冲寰比部奉差事竣還朝

僊郎讀禮自頻年晉秩崇階帝簡先執法
中朝清譽重轉輸絕塞大名傳葵花風動催行
色榴火香生入祖造好我意真誰復似錦帆遙
別情牽

沈存溪丈彖愛賤兄弟與家弟彥貞同六
旬喜而賦此其誕辰在五月

榴花噴火短牆隈葵花滿園五色開白魚翻浪
簷前過青鳥啣書海外來吾弟陶情病根拔先
生鍊性壽元培兩人相得復同歲寧辭百斗長
生杯

閒吟亭

吟罷長歌復短歌衰齡藉此養天和荷鋤老叟
林間過道有癡人在薜蘿

真隱樓

明主何嘗棄當途亦見憐自慚七秩叟不是二
司年展卷意偏淨看花趣更便成吾真隱者樓
出小峰前

無復長安夢園居自泊然樓開孤塔後人倚衆
花前淑氣川原迥雲光洞壑連有時迴望處踈
雨夕陽天

一片緋桃色晴春獨可看日移書百卷烟拂竹
千竿高卧遠題鳳清吟和考槃東風長晝靜燕
語度闌干

○長嘯亭

自嗟戚戚負餘生故學當年阮步兵客至不妨
長嘯坐舉杯待月忽深更

○拳勺園

勺水風波不起拳石意趣常嘉主人有此樂地
何須再問桑麻

○如意石

片石有心高壘薜蘿無意圍遮不久結成藥品
療病絕勝栽花

○青蓮居

浚沼貧家不易栽荷乘興多缸看花次第行樂

摘蓮仙品無雙

其二

風動荷花十里香
西湖遊子日徜徉
寧如拳勺家園近
不費青蚨富酒漿

其三

紅蓮絕勝美人粧
帶露含風意態狂
把酒對君渾欲醉
醒來魂夢有餘香

餐英館

東川一老山中居
官俸久辭瓶粟虛
秋風落葉殊可飽
寧羨隣家萬斛餘

木雞窩

山家風物常淒淒
着屐去登雲為低
年來一洗驕虛氣
無慮無為似木雞

東臯澤

宋元隱士沈平號東臯

鑿池壘石似富布
袍蔬食疑貧君撰
鎮紀余續千載合
為一人

拳勺園

唐守禮

坳堂乘水芥為舟
溟渤無垠泛一漚
識得南華齊物意
逍遙只在此園丘

真隱樓

結廬原在市東頭大隱奚煩林壑幽已遣龐公
同作社復招黃綺共登樓

餐英館

籬下黃金秋正繁忘憂不數背堂護餐來風骨
真蕭爽玉樹水壺映德門

青蓮居

絳袍紗幘映江船采石風流萬古傳今日荷花
照酡面何人不道李青蓮

木鷄窩

戶外紛綸欲曙天窩中消息許誰傳總知土木

交譏日盡是泥牛入海年

東臯澤

趙家遺老錮烟蘿留得東臯名未磨疊石于今
供仰止及泉還許遡餘波

閒吟亭

別構攀躋萬竹深綠雲迴合徑苔侵主人自是
忘機客抱膝聊為梁甫吟

長嘯亭

朔氣朝昏海日微長愁杜甫不知非世間萬事
唯應咲捧腹從吾對落暉

如意石

片石凌空勢欲飛。山靈故遣錦雲圍。湘簾半軸中亭坐。相對無言杜德機。以上俱守禮

拳勺園

僧方擇

拳石枕且安。勺水清可漱。日午踈雨餘。竹光片雲逗。

餐英館

木槿編為籬。籬前菊盈徑。空館讀楚詞。餐英發秋興。

閒吟亭

花影被山麓。鳥音出柳枝。偶扶藜杖去。憶得曾題詩。

長嘯亭

坐來山月生。夜景清似水。解衣一嘯深。欲眠秋草裏。

木雞窩

冥棲日已久。形影今頽然。客來扣茲意。咲示南華編。

青蓮居

蔽門綠陰密。習靜白日長。六月北牕下。風散青

蓮香

東臯澤

處士卜居後相傳五百秋只今新構置猶是舊
風流

真隱樓

樓前挹烟光樓下俯山色世事無復聞終年甘
自息

如意石

石以薜荔蒙頓令足幽意有時雲氣生當軒轉
以上俱方擇

壽沈少崗七十

帶水君西我舍東往來勤數兩情通隱侯令
德源流遠長至佳辰瑞霭充君誕辰適至日寶炬當
筵清曉徹瓊漿醉客喜顏同人生七十人間
少更羨賢嗣甲泮宮

壽陳筠塘公祖二首

自離含香署分符山郡來一琴追往括五馬
絕群才峴首懸明月湖陰放早梅茲辰何以
壽撫景酌金壘

疇昔著清郎朱幡借冠光商飈凌紫極璧月

照黃堂菱茨饒供稅鳧鷗澹泳翔二天期永
戴壽與雲川長

壽閔都事文川八十

憶昨西江並宦游仰君高節古人侔歸來林
壑心還赤老去衣冠髮未秋玄鶴呈歡庭外
舞紫霞獻歲席間留只今砥柱西吳重願祝
期願樂更優

春日過朱平涵宮諭

白下三年去潯川此日過春溫樽酒綠別久
緒言多時輩宗文學儲宮仗琢磨知君大期

抱函用挽顏波

排律一首送夏筠泉公祖還金陵

半刺貴不極全身道自優一朝甘解組萬姓
挽歸舟大江盤金陵諸山橫石頭清廬有賢
嗣譚詩多故游對月京口夕觀濤海門秋澤
國荆棘區 帝城浩蕩丘君心常坦直我性
亦夷猶交久忽言別行人也淚流

送雲陽戴公祖擢守隨州

羨君別駕並王祥 帝簡名州作牧良一日
春風飛彩鷁千秋惠政咏甘棠峴山墮淚沿

湖畔若下開樽獻道傍濟、冠裳事馳逐幾
人冰蘖際翱翔

再送戴公祖

春深茗上雨初歇新綠凝烟徧林樾君來佐
郡才幾年豈憶家山望西粵前令松滋多頌
聲于今吳下怡民情列署歛聞廉慎名刑賞
懲勸皆稱平 天子忽頒楚中命溪頭候吏
催郵程去、東風開画舫暖日輕帆浮碧浪
隨州此時欣得君我地思君自惆悵

訪鳳鳴僧傷應蘖窓

乘暇桐溪且繫船肩輿入寺赴清筵雲開雙
塔凌青漢林帶孤城浸碧川禪室門閒脩竹
裏春風鳥散落花前尋僧忽、俄傷舊縱有
高情亦悵然

寄彭按臺魯軒二首

當年繡斧霜威凜慷慨埋輪海宇清但信傾
培申直道已甘黑白付官評鴻舉尔欲堅高
舉鳳德人從想太平老我何能酬國士品題
終自愧虛聲

攜李離舟十載前有懷莫獻淚潜然中朝司

寇渾如矢刑書趙公吉亭未俗衣冠豈似絃萬里關
河饒夢想百年感慨付流泉因看黃菊添愁
緒晚節如公孰見憐

上左轄王養初公祖

四十年前一識荆鳳城佳氣鬱崢嶸人從分
陝推周召道在明農老泌衡澤國于今悲杼
軸廟堂何計緩催征黑衣欲補王官闕不惜
頽顏仰鉅卿

謝顧警常侍御鞋蓆其一

袂履綿縫足冷支兼承蘓蓆老眠宜仁兄愛

我周身計報德何由効寸絲

饋鰕其二

御史池塘自足魚朝來捲幔已方初我今特
獻三鮮鰕漫學前人腹置書

期過我其三

自媿家無擔石儲忘饑日讀案頭書論交東
髮唯君我何日扁舟下草廬

喜范東生至

衰暮少佳况溪頭來故人驚心陳往事侑酒
贈鮮鱗座有山僧秀時同詩句新忘余供給

薄白首愈相親

送別東生

當年吾衣帛見汝尚垂髫長大工詞賦家聲
起寂寥情交深舊雨飲劇短清宵執手溪邊
別東風弱柳搖

初秋王紹白唐振山下顧竟日小酌四首

一樹底柴門向日開山童忽報兩翁來且迎且

啖石邊坐不說農桑說酒杯

蕭散可愛

山居幽寂坐來佳山鳥相呼似有懷竹兩松
風點秋景薄散對酒樂無涯

為山窈窕景奇哉忽有天風送客來
鬪筍點茶清興足不妨頻過酒重開

三老圖容俗子嗤心同應有道人知
秋風不用青蚨買明月還來勸酒卮

壽沈西溪

九溪南下兩溪隈感爾頻過適意臺
橘綠苔堦賓履滿蟹肥月夕酒懷開
五旬初度頭全黑百務俱休興未灰
老我性甘黃菊景願教勿吝隔籬杯

喜朱雲麓至兼有所期

君齡當六秩曾寄慶生牋目極千山隔心飛
一棹翩黃花秋色勝紫蟬席殺鮮過我休辭
飲相歡且醉眠

壽通家周母七十

黃菊佳辰瑞靄紛華堂壽母合門欣一經蘊
藉清聲舊五桂崢嶸士譽芬酒進麻姑娛暮
景詩歌陟屺勤祥雲衰人久沐諸昆愛爛醉
花前日欲曛

壽沈華嵩州守七十

窈窕西園少誦詩見君嬉戲異常兒趨庭嚴

訓綿科第伏

闕洪恩累

誥馳春日芳蘭

賓履集秋風丹桂捷書馳七旬偶俗稱初壽
還獻期頤祝慶詞

恭賀李太翁太母六十偕壽詩

大參李孟
白尊人

峯嶽楚山橫雙松晚更榮翟冠鸞誥重鷺彩
雀顏清並酌麻姑酒長調子晉笙飛觥遙介
壽深慰望雲情

初龍雖在潛毓德更飛天代屬雍熙景人逢
花甲全江南開樂土隴右啟長筵臘轉春風
到行遊儼若仙

壽吳彤庵公祖四首

纔逢牧伯千金簡又報君侯玉燕辰帝遣同
官來澤國一堂冰檠共嶙峋

十載勛名四海身童顏綠髮映袍新稱觴自
是湖民意君壽剛如萬斛春

祥刑江右擅名高展驥江城未盡勞拂署即
今多喜氣兩幡朱色映緋袍

亦知華祝重金章貧老慚無束帛將藉甚清
卿芳馥滿賓筵何用藝名香

病後登拳勺園適意臺

吾友臺名肆志

范仲昭臺名

不若適意為安

苦病暫稀登眺薜荔已滿欄杆潭水時常澄
澈杯酒渴想聚歡今日乘風來上北望翠竹
萬竿一茶晏坐良久不覺鬢氣生寒人生知
適便適快樂不必為官因念肆志他屬追往
不覺悲酸

謝聶錢塘銘源

當年啣命仕金川豈有雄才出衆先總賴
士民常掩過致令當路盡稱賢壬申應召
星霜久乙巳遨遊春愛偏今夕畫船沉醉我

山青湖白儼神仙

自媿

七十古稱老乾坤容腐儒尼丘失屢禱童烏
不易圖先人有令德賤子無遠謨虛叨金紫
貴自媿一乳夫

六月朔八日病起

衰老櫻危疾親知淚暗流經旬疑永別此日
得寬愁翫花清興發對酒野情投許大溪山
在從吾汗漫遊

初病王唐二丈每日兩過我識感



兩君皆七秩三伏正炎蒸不惜徒行問端憐
總角朋雷陳非大雅管鮑可齊稱高誼何能
報題詩涕淚增

夏日欲市斤肉烹送家兄竟以無錢中止
自咎不節致嗟

母黨至親地孤村人跡稀家兄甘閭寂諸弟
失歸依勛肉價豈厚空囊意竟違平生病不
節今日始知非

自小

昔人遊八極吾獨戀一闌遠未訪天目近不

登父山意興少空濶衰憊徒優閒呼僮治行
李從此恣躋攀

六月園居

自愛園居僻飄然遺物情有書供老眼無客
到柴荆竹色兼萱色泉聲帶雨聲寧知人世
裡若個戀勛名

邀曹太翁思立

隔歲纔一見令人相見悲花黃秋意老頭白
酒情怡戶外山留客房中毋念兒羨公白雪
調慎勿滯來期

壽韓懷愚同卿

春朝花下酒夏日社中詩會慶七旬老相看
百歲期清聲留瑣闥惠政滿邊陲華第南山
接追陪進壽卮

壽門生潘肫庵

古山雲樹野僧居曾記當年漫說書三徑就
荒吾已老七旬猶壯汝常舒涼秋堂下兒群
祝霽景燈前酒不虛最愛東西一水隔不妨
日、過茆廬

乙巳夏五月朔邑侯楊公日森行部憇密

印寺命二生宣解鄉約士民環聽適甘霖
大沛畚插不勞農歌于野朽夫喜而賦此
茂宰臨山寺儒生發矚蒙細持

聖諭解興起善心同鄉約規條善愚民志慮融
卓哉端本治允矣濟民功雲作及時雨山飛
滌暑風三農咸愜望五穀豫占豐魚戲梅黃
水鶯嬌柳綠叢田工欣力省邑政喜情通甘
霖將實惠笑動白頭翁

題小舟容我老

人訝吾舟小吾舟一釣舠片帆常掛月隙竇

可占星醉卧風前榻間看水上萍伊誰容我
老天地借清寧

小園夏日自遣

高枕度長夏醒來日尚長冷官翻畏熱病骨
却思梁酒氣薰山樹荷香入草堂不妨披髮
坐沉醉在斜陽

釋振林高僧於烏將軍廟與消災會連日
苦雨以詩詰之

將軍埋骨處頽廟燁然輝池靜電鼉懋林深
鳥雀依塔高不礙樹雨積却沾旂禮佛經旬

久何時被日暉

苦雨謠

有災消不得無災不必消果是消災會寧為
烈日焦

觸事追憶故友沈舊溪

少游湖泮過舊館日落雨狂行人斷孤舟一
葉朋儕多欲作宿時苦太煖登崖得接舊溪
公一見如與故人同玆羞美酒盛款洽錦衾
繡褥憇齋中在途寒士皆色喜是年余偶攀
桂子公來賀我顏殊歡留連累日情無已從

茲契合成世交肝膽吐露若同胞賴公知我
踈郡邑不求一字輕取嘲可憐晚歲遭貧窘
余為治木瘞蓬蒿撫今念昔五十載似鳥失
侶常哀號我今不幸居惡土百般淺薄應難
數衰齡避靜養天和親戚不亮頻聒作今日
贈我禮數豈明朝有事即相干余亦未嘗廢
酬答胡為索書囑其官有索不應生嗔惱始
知道義交為寶大海悠二日、清洗淨俗緣

真好

消災會

虜、僧家建道場。鳴鏡伐鼓，意如狂。雙睛凝望，施財主，魂夢悲歡不可當。

送尚少府欽陽二首

憐君能佐郡重鎮，一年餘。總被仁風，偃多教積蠹。除辭官何激烈，抱病更歛。歎濁世今如此，高懷好自舒。

攀轅留不住，相送意如何。去矣風塵邈，淒然傷感多。野花明驛路，官柳蘸江波。回首茗溪上，千家罷笑歌。

壽盧志庵先生時年八十五

年過八十更清真，鶴髮酡顏倍有神。扶老未憑蒼竹杖，投閒還著白綸巾。家依弁嶽風猶古，吟對茗溪句自新。蕭灑故園松菊在，歸來暮景與君親。

春日小具集馮原泉陸五雲錢承江沈華東諸君子於龍翔寺即事

北來新漲度車溪，雲際龍翔春晝躋。冠蓋心同人總羨，林園錦簇景堪題。僧窺清意勤香供，客散黃昏任路迷。聞說市朝索計吏，時方京察何如間看草萋。

題尹中丞相園中丞名應元湖廣人

聞道名園俯漢川，澄流寒暎勝情偏。但看樓櫺窓前落，不信風波物外懸。取適豈今人蝶境，靜觀已息是非緣。只因強為蒼生出，蘿薜虛將清夢牽。

芳園開向碧雲陰，一派紆迴漢水深。松舍芊田沿小迳，槿籬竹嶼帶平林。池頭倚杖觀魚樂，花外携樽見客尋。踈雨夕陽君醉卧，飛來蝴蝶拂華襟。

賀烏程公陳端瀛考最

銅符妙簡下皇洲，政懋循良有太丘。桃李千門春色盎，桑麻四境惠風稠。官閒永晝清樽滿，邑靖良宵赤羽收。老我豈能忘國恤，因君一解杞人憂。

有懷振林上人

浦上蘼芙蓉，山僧寄隱蹤。月寒一池水，風靜五株松。無茶供上客，有句對高峰。靜室今逾靜，當春不問農。

嘉靖丙寅歲董懋德延不佞及皇甫玄池麗澤玄池易學不佞心師之每作文必執

筆求正玄池鑿余誠能不吝教而余學日
進戊辰遂舉會試上第追往賦此

溪上拜三名 董莊讀書處 墳前雞五清 漾子

敝袍對公子粗葛老經生執筆求刪正焚膏
問漏聲賢哉皇甫文成我得身榮

窺園

雨久不窺園非關目力昏朝暎開萬象晝朗
見千村樛火疑燒樹荷香似入樽衰年倦行
步從此止茆軒

戲東肖泉夏丈

縑絲製錦民間寶端仗內人餵蚕好君家多
桑交易平抱桑歸者曾無惱日來棋局寂無
聲野夫花前空自老何時發棗靡子遺過我
對局還傾倒對局何難貴長勝求勝須憑無
潦草請君細把棋譜看省得青蚨免誅討

獨酌

層、葉、翠烟蘿亂石亭前一鳥過日落海
雲猶戀我從教無客也酣歌

壽龔毅所公祖七十

羨君勛業冠當時海內交游我獨知治郡名

高齊渤海賦詩才傑並
佳期延齡不藉丹砂
訣適意頻傾金屈卮
老蚌產珠元有道還看
膝下繞雙兒

送沈華東副憲江右

十年解組柞溪陰
愛爾頻過友誼深
望迥中朝環再賜
官聯憲臬帶仍金
西江已慰蒼生願
北極應酬

明主心綠柳堤邊
一杯酒春風脉脉
動離襟

附錄

封太孺人李老母八十壽叙

萬曆戊子冬十二月 日余友叅議李君彥

和之母 封太孺人沈氏壽八十先是社中

諸君子約以其始王之辰屬期言往壽期額
之期復自念交於叅議君垂三十年道義之
愛膠於兄弟若母即吾母也當李母七十時
期方免草土未獲效一言之祝而叅議君母
視先太安人歷歷在臆誼結於心二紀矣靡
可籍手以報者迺今高堂八袞賓履滿戶外

而期且旅進旅祝漫無加等即纂言為賀而
又先以諸君之命也猶子之謂何爰即參議
君愛日之衷傳以不佞期頌祝之意敬著於
篇先諸君稱觴堂下夫亦以春陽照物百卉
感榮而迎曦含旭第有先後期之敢前諸君
子往也儻亦有寸草春暉之意乎然期因太
孺人壽竊有感於天人之際矣太孺人為參
議君兄弟所自出嫡母朱孺人孕而弗育嘗
育仲氏之子梁為嗣後太孺人連舉五丈夫
子而朱孺人弗覩其成期誌朱孺人頗悉太

孺人事夫嫡庶之際難言矣支分減產旁繼
割遺故人情視嫡媪不啻敵讐睚釁一萌深
於鴆毒既專衽席日兢錙銖即胤嗣終慳承
桃弗顧者比比已太孺人姑視其嫡服勤靡
怠生無纖芥歿有餘思蘭玉盈庭蕭然垂橐
而情鍾異乳析箸惟均梁不自分其非同產
而參議君兄弟亦若忘其兄之為繼者此其
精意肝膈不媿於衾影寤寐而何意為福生
利後之謀哉及夫聖善所徵帝歆神聽而太
孺人年益高身益彊健膺冠第之寵而甘菽

水之將參議君兄弟方娛太孺人以舞班弄
雛之樂而不知其年數之日增也此豈人所
能為哉天也世儒言天人之際往往闡於倚
伏之機至謂為善弗報疑天道之遼遠期觀
太孺人蓋若持左券云而參議君天性至孝
媿媿慈闈承懽之暇孜孜焉為德於鄉常若
弗及天下無問識不識皆信以為端人君子
相與傾耳凝目瞻望風采庶幾旦夕出而為
儀于朝為澤於天下又相與祝太孺人強
步健飯使參議君獲沛然究其所施以無虞

於定省無論輿情所屬天且弗違即參議君
秉德終始嗜修厚壙其所為迎禧聚順而培
太孺人無疆之筭者寧有量耶期故因太孺
人而深有味於天人之旨彰往察來天將益
厚李氏以為世勸乎則太孺人八十之觴茲
維其始而參議君亦且起佐天子盡展其
蘊蓄以壽天下期可計日而俟之矣

賜進及第朝列大夫國子監祭酒致仕前右春
坊右庶子兼翰林院侍讀纂修兩朝實錄
兼充起居注經進日講官通家子范

應期頓首拜譔并書 謹率兒子范汝訥同
頓首拜祝

新淦李侯臨川公生祠序

嘗論古今人不甚相遠世代變殊直道在人
者一而已矣是故官猶貌民猶鏡貌有妍媸
不可欺其鏡官有淑慝不可欺其民即田夫
野婦猶能指數談道毫髮歷歷噫亦嚴矣哉
故官其土者智文伎倆皆非實際可以與百
姓相參對印證者此真心焉已矣心真則謨
遠知周膏澤流布居則欣慕愛戴去則尸祝

謳吟久而風韻餘奕百世不忘皆一真徵應
不可誣也是故伏車雷同不真於麥社桑畦
之俚語覲面艷謏莫定於召棠寇竹之愛存
違乎此則知官之樹德與民之慕義豈偶然
故哉嗟乎淦之為縣舊矣吏淦而流轉者亦
夥矣舊未有祠李侯以內召去淦民始生祠
之然則淦之祠侯固義舉亦特舉也侯何以
得此於民侯之為淦也智文伎倆脫淨如洗
惟此篤切肺腸無日不照映無人不軒揭有
利於民無利於官則甘心為之雖抗大吏而

左其議焉勿恤也無利於民有利於官則確
意置之雖可獵華梯要以濟其私焉勿顧也
竭精覃思貽遠詔後即如父祖為子孫計不
過若此真切焉已矣故侯去淦父老子弟相
率糾工聚材作生祠以祠侯正以晷不朽寄
永思於無窮耳誠之應也固如此哉即無他
論淦嘗苦旱侯齋肅虔禱積三日大雨隨車
淦收禾麥四屬之旱如故以侯真切天且弗
違况民乎淦之肩夫皆大家奴夙稱慄慄侯
按制以法遂縮縮不敢肆茲祠役也挽木鞭

石樂輸力而不利其資即前日慄慄儔也若
輩宜怨且效義焉况素洽如良民乎賢嘗道
王笥遇老嫗拾菽里胥索菽充歲例嫗叱之
里胥俛首去因問故嫗曰舊苦里役遮黑取
索吞飲不敢訴李侯至今民各輸歲錢細民
月至公所口舌響吐奸里縛矣即無予何恙
且津津稱數不休夫嫗村婦也猶知恃侯誦
侯况鬚眉丈夫乎夫遠如天地強如悍奴微
如婦人女子一真流貫乎洽若此然則祠之
祀也曷已乎是貌不眩妍鏡形之侯不干譽

民形之祠像瞻依侯三年真積作千百世形見矣實際明驗固如此哉或曰然則侯以祠重耶賢曰顧其所以祠則重耳侯去淦民始議祠不占狀不聞侯民私立之是則召棠寇竹類也觀祠之者為真則祠於人者其重矣哉

隣治晚生李紹賢撰

金川紀事叙

天下之政變則通通則久要以興利革害使民宜之而已茲錄也其我師臨翁先生治淦變通興革精神心術之所寄乎夫淦編戶數

百里初顧不稱饒富邇者法制壞亂民瘼罔聞膏脂竭於賦稅供億之煩而黠吏市俠之機利而食者又紛焉蝨蠹其中當事者率以秦越肥瘠視之竟莫為之所軻氏所為倒懸董生所謂琴瑟不調淦斯已睹矣先生攬轡下車悄然悲民之不獲若利若害日稽而夜籌之務得其肯綮以故運解刃之材破拘孥之見利所當興緒雖紛必理功雖鉅必成害所當革情雖匿必搜根雖錮必拔凡宮庭學校倉庫祠院之最切者靡不鼎創修葺而

錢糧賦役積貯迎送之出內節制成破例自
裁盈胸損益若手權循星適當其可行之三
年吏無有乾沒者市井無有漁射者閭閻無
呻吟者淦之民熙熙乎出溝壑而登春臺矣
於是鄉士夫暨學諸生民之耆老趺踵而請
曰邑為疲瘵賴仁人父母痾瘵小民殫慮立
法劑利病踰於籌家定經制甚於翼子乞以
成規刻諸碑垂於世世先生曰不可余所為
者屢屢救目前弊耳尚賴後君子神明變化
沛厥膏澤補余所未逮斯淦之福也余奚法

之為已而請益堅先生慰之曰若刻石則甚
不能惟姑論次而俟君子攷焉其可乃類著
于書先取所建置碑文次第之首龍亭庫尊
君也次城隍廟民所庇也次尊經閣造士也次
便民倉慎國課也次勉齋先生祠次練中
丞書院風化之大也次受益軒咨諏助理也
次養濟院恩覃無告也次官店佐公之不足
也而一切施罷復核究事情懇悃論列莫匪
已試之效故藏穀富民則賑荒之備豫矣蠲
四差之贏以蘇民則益下之利溥矣錢糧逋

封解給則吏不得因緣解頭積歇為奸矣裁
減冗南耗米則細民不以肥經催矣杜吏農
侵欺革快手站班則衙之指上為根虎威於
側者絕矣迎送下程夫役撥遣各為制節則
民之罷於奔命者舒矣限制勘合寢儀賓之
選則登龍斷以攫民財者戚矣至於確論條
鞭陳諸當塗以求良法尤大江以西並受其
福而不寧惟淦者它如鄉飲之重賓介訓士
之尚風節朝覲之革需泐獄訟之清刁誣
與減省輿阜鋤擊強梗繩創脚夫誅殄究賊

其未盡見於書者淦人士口碑固種種在也
繼先生而治者誠洞察民瘁視已成事酌酢
時勢之宜施變化其間俾政益善民益安則
淦之永永攸賴豈其微哉任不佞辱門下弟
子偕士民同請於先生者故樂是編之成而
謹叙其端云

門生鄧任撰

滄侯李公臨川先生生祠碑記
刑部郎中新喻劉松謨

公名樂字彥和臨川別號浙東烏程人也舉
戊辰進士筮令我臨新滄三年瓌操茂政表
著特最當滄薦剡交章公車

天子知其賢召拜禮科給事當召時士民欲崇
貌祀以永去思計公不許未聞今亦不令公
聞也祠創成邑縉紳孫君光曾君樂等率庠
士傳嘉星丘鳴謙等耆民黃瑞曾褒等將龕
石撰次功德垂眎來禩謬以記屬新喻劉松

松受簡起嘆曰。淦父老子弟。可謂耿然古道。慕義無窮。執自昔仁賢。祇後民社。流膏土地。來則乳保。去則顧復。山川鬼神。猶眷懷之。况於人乎。吁。然難言也。名可以傾大吏之耳。而行不能伏田父之心。力可以制大豪之吭。而恩不能飫匹夫之腹。百里之內。十一不厭。即金粟陵。聚木石流集。必有雌黃其口者。蓋必盡美畢德。而後雷同響赴。語曰。賢者之容易。衆人之所難。正此類也。李公身揭日月。激泉鑿壑。而又酌以鈞道。和之琴節。因單行罷。裁

察揮霍大者。學校城池。戶口田賦。尊賢養老之制。次者。訟獄胥吏。夫馬簿書之節。大都槩見金川紀事。雖然紀事。特公之峻影。芳迹耳。公心期不以宦視家。而以赤子視民。不以三年愛其名。而以千秋愛其德。精意肝鬲。無日不周流於民之膚理。民之膚理。無日不證應於吾之精意。肝鬲。吾所欲為也。為之。為之。而成而民便。夫然後晝安食而夕安寢也。吾所不欲為也。不為之。不為之。而成而民便。夫然後晝安食而夕安寢也。蓋父母一念精視天

日絕無毫髮干鬻緣飾之私。此所以功德深厚。名實純粹。民之思之。如饑食渴飲。不可已也。且邑人未知余之耳目公者。至薦熟也。余嘗寄僧舍。佐葺郡。乘與公祇候御史臺隣舍。公居一室。典謁無華。榻帷常穿。處必糲食。行惟單車。日給御史臺數十事。承發如流。彌月無庸志一吏。每夕第朗吟古調數闕。軒霞櫺月。意翛如焉。非金玉神明孰能與於斯乎。余又嘗作遊玉笥舟舍金川之許。見三五白首。就問君侯何似。白首口津津。指數盛美不休。

且曰公。昨聞召民。尤樂。故便趨庭下。奉歲所輸租金。請輸公。款諭之曰。業謝筦鑰矣。民於邑退。吁。此豈可以虛詞借哉。繇此言之。是役也。余執鞭何讓焉。祠制前為石坊。題遺愛中。為堂以石肖公像。其中俎豆焉。後隙地深肆丈。廣壹丈。陸尺。周繚石垣。基在邑治左。稍折而北。通衢間。尊嚴敞潔。蓋稱於遐思云。於戲。滄秦時縣也。前後吏斯土者。何限。而生祠僅一構。見然。則攬古今之際。察事使之故。考德。遴時。振古。詔來。殆非偶然者也。

三老圖序

友之道以志相取以聚為樂不擇乎老少與
潛見顧所稱少年遊者逞一飛颺跌宕不能
忘四方之事而其人亦尚為東西南北之人
故其聚可以為樂而不可以為久聚而可樂
樂而可久者唯耆年弛擔之士能之而世之
不為形役火馳犖然於未竟之期而超然于
不可繫之域者蓋寡矣或連數州郡得一二
人焉其志行又未必同方而出處又未必相
及故必有年相若家相錯志相洽而後可以

相取此商山四皓香山九老所為千古侈譚
咏歌繪畫縹緗展撫愛敬而不能已者也甲
辰孟夏小子稱觴於家舅氏之堂得覩所為
三老圖者生綃乍展清風颺來中坐虎頭員
睛蓬鬢頽然而有山岳不可動搖之意此鄉
所推 臨川李先生當先生之左綸巾羽服
玉屑霏 頽頽間諦視汪洋浩淼其中如河
漢而未有涯則吾 伯舅振山先生也迤右
而俯坐一人其冠進其衣逢貌恭 然若亞
旅於兩先生而兩先生亦若目儼而心賞之

伯舅指示曰此吾友 紹白王君吾三人者
自髫鬢而同居于雙溪今髮鬢 垂老矣邈
其初升沉遲速出處遠近之迹則不啻相為
縈絜即各還自念憂喜之聚門而相遭形與
時運而情必移亦何啻炎伏熾炭與窮臘寒
冰蓋造物者之肄我三人各六七十季而後
乃今端然有窺于消息之理回視髫鬢之見
不知有增減與否但覺煖然淒然之情日以
益淡而犖然超然致足以相樂此三人之所
以相取而不能相舍可愛可敬可歌可畫可

縹緗展撫而不自知其可歎者也。人壽者有期而聚散無常。今吾有季運而無事遷。形情有涯略而心期甚遠。雅步一顧。睠然不若此圖之永存也。嗟乎物之能存人耶。人所存也。究所存與能存者。皆有脩縮而存存者不亡。則漢之四皓。唐之九老。已若為三先生招搖而何靳於百世之後。又何啻老少潛見之不相擇。然則三先生所自永於天壤間者。已不啻一照一圖。而此聚此圖。其所奪于造化之神理不淺。即小子廁名緗素。亦將有無窮

之思。而况三先生自為神采者乎。小子未能忘東西南北之志。而三先生函文正饒。更三二十年。乃亦倦遊歸來。三先生按圖作銅狄摩挲。而小子復侍几席。再綴次數語。乃亦稱老手秃筆。將商山履道草木。有知猶踴躍生千秋之色。而况吾鄉吾郡。豈不可羨也哉。豈不可敬也哉。

萬曆甲辰重陽後四五日沈淮敬寫

李彥和尊丈七十揆辰敬為壽

承恩崛起自先朝。未老懸車意獨超。青瑣封

章通九陞紫微聲價重三苗掉頭不為蒼生
起徒步翻為隱士招娶得裴家舊仙侶掌珠
還見下烟霄

見沈汾續仙傳

春明猶憶盡朱顏七十俄看指顧間携得綠
尊傾若下來瞻紫氣滿函關松姿故合經冬
茂宦髮偏宜對雪閒我少十年憐更老肯容
從此入香山

萬曆辛丑季冬朔日年弟沈思孝拜書

奉贈

臨翁李老先生七十用杜子美贈蕭使君二

十韵

恭道依君子清朝重直臣曲江真大度小友
接芳塵把袂趨蕭寺聯舫上碧津琬琰時有
贈鳥鵲見初馴排難甘為的酬息怨與隣清
名七袞健暮景五湖親奉勺優遺老踟躕對
散人但餘情契合不問味甘辛溪上萍多月
詩餘字可珍寄心遊太素戢翼看飛輪青紫
塵埃事希夷道德身靈光存自久喬嶽望逾
新有約尋榆社相從共海濱忘機雙白雀揮

塵一綸巾。秋水霏烟篆。南天下令辰。桐花丹
竈煖。桂葉碧山春。方朔狂無獻。嗣宗醉且貧。
賦詩看斗柄。風動石鯨鱗。

萬曆辛丑中秋之吉。通家晚生朱國禎頌首。

朱國禎

春風送逸棹。况復漾清谿。遊子來何意。高人
對與題。歲名書尚在。掃徑笋初齊。莫說顏波
挽。安眠且杖藜。

○ 玕珠歌奉壽。參知李翁七十。唐守禮

誰言七十古來少。此語難為至人道。至人不

鑿混沌竅。直與太虛同。不老吾觀李侯。潭壘
爾所稱。至人無乃是。生平衾影無少愧。出處
倫常安厥止。百歲今剛七十年。霜髯碧眼如
神僊。一尊喜與黃髮醉。三山蚤結青蘿綠。室
無絃歌戶。無駕讀書談道時。暇方外詩筒
喜共詮。雲中消息憂時星。豈無醉侯與錢虜。
造化贅疣寧足數。江天快覩羽儀鴻。朝踏猶
欽文變虎。五十年来論友生。升沈聚散初無
憑。社樗偶作大椿侶。共飽烟霞殊有情。群僊
翩來進酒吾歌亦在東方後。更有華封弟

三祝老蚌生珠大如斗

閏夏廿有七日過李園叅知公有詩識之
賡以四章志勝遊也

唐守禮

萬竹團陰俯芰荷素心人在木雞窩共將白
髮談天幸况復青樽送太和

呼兒移榻短屏前白筍青茶次第煎
總為衰年營便計主人留意客欣然

何來旨酒阿咸家留客深杯更可誇
頭白兒孫欣共聚東隣回首使人嗟

半園儘可稱神隱三老相逢說四休
醉近斜

陽且歸去過後還擬在新秋